



Communicaziun a las medias

Lituania- Svizra: Ballape per rumantsch

Cuira, 11-06-2015 – **Il 14 da zercladur 2014 a las 20:45 stat il ballape en il center. Radiotelevisiun Svizra Rumantscha (RTR) rapporta da la qualificaziun per il campiadun europeic da la Lituania cunter la Svizra. La purschida da RTR cuntegn questa giada ina premiera. Sper mussar il giu cun commentari rumantsch sco livestream sin rtr.ch, mussa RTR il giu era sin SRF+. Roger Alig commentescha live ord il studio da Cuira.**

In giu decisiv per la Svizra

Cun ina victoria encounter la Lituania vess la Svizra bunas schanzas da terminar la qualificaziun en la gruppa E sin ina da las emprimas duas plazzas. Quai muntass la qualificaziun directa per l'EURO 2016 en Frantscha. L'equipa da Vladimir Petkovic astga ir cun buna speranza a Vilnius, la chapitala da la Lituania. Il november passà ha la Svizra numnadamain battì a Son Gagl la Lituania gist cun 4 a 0. Roger Alig, redatur da sport da RTR, commentescha il giu per rumantsch live ord il studio da Cuira.

Livestream sin rtr.ch e SRF+

Il giu è da vesair e d'udir a las 20:45 via video-livestream sur la pagina www.rtr.ch, saja sur tablet, computer ubain via streaming perfin sin la televisiun gronda en stiva. Per pudair guardar il livestream sin SRF+ (sur SRF2) èsi necessari d'avair ina televisiun (Smart-TV) che sustegn HbbTV e d'avair collià la televisiun cun la rait d'internet da min. 5 Mbit/s. Lura simplamain smatgar il "Red-Button" e navigar tar il livestream da RTR. Il gestunar da raits da cabels (p.ex. Swisscom 2.0 u Cablecom etc.) ubain satellit ston sustegnair il servetsch per pudair guardar il giu.

Tge è HbbTV?

HbbTV stat per «Hybrid broadcast broadband TV». La tecnologia nova collià la televisiun digitala cun l'internet. Sco en il teletext datti infurmaziuns supplementaras da l'emettur da TV. Quest inserescha en il program current in icon, text u maletg per far attent sin sia offerta da SmartTV. Per activar l'offerta sto la tasta cotschna da las tastas da color sin il telecumond - il "Red Button" – vegnir smatgada. Tut ils producents d'apparats sustegnan HbbTV. Emetturs privats e publics en Germania, en l'Austria, Frantscha, Ollanda, Spagna ed en la Pologna offreschan gia ils servetschs da HbbTV. RTR vegn a lantschar lur offerta "RTR +" l'atun 2015.

Dapli infurmaziuns:

RTR Radiotelevisiun Svizra Rumantscha
Tamara Deflorin, communicaziun e marketing
tel. 081 255 75 09 | e-mail tamara.deflorin@rtr.ch